

Harbwr Diogel 7

Calm Waters 7



Gwybodaeth
Information

www.ceredigion.gov.uk



Cyngor Sir
CEREDIGION
County Council



Caru Love
Ceredigion

Harbwr Diogel 7

Mae harbyrau Cyngor Sir Ceredigion yn Aberaeron, Aberystwyth a Chei Newydd yn atyniadau ac adnoddau gwyb o'u rhan eu hunain. Er mwyn gwneud yn siŵr bod pethau'n dawel yn yr harbyrau a'u bod yn parhau'n ddiogel, deniadol a dymunol i bawb rydym yn atgoffa defnyddwyr o rai pethau allweddol y mae angen iddynt fod yn ymwybodol ohonynt, a'u bod yn eu gweithredu.



Cofiwch:

1. Fod yn ystyriol a pharchus bob amser o holl ddefnyddwyr eraill yr harbyrau a'r cyhoedd.
2. Bod yn ystyriol a pharchus bob amser o fywyd gwyllt lleol, a'i werthfawrogi.
3. Gwneud yn siŵr bod eich cyfarpar yn cael ei gynnal a'i gadw'n dda, ei fod mewn cyflwr da ac yn addas i'r diben. Mae hyn yn cynnwys offer angori, cadwyni, rhaffau, angorau a dyfeisiau angori eraill. Dylech wirio'r rhain i gyd yn rheolaidd.
4. Ymdrin â'ch holl wastraff yn gyfrifol a chyfreithlon. Mae hyn yn cynnwys ac yn rhychwantu offer pysgota wedi'i ddefnyddio ac olew gwastraff.
5. Storio'r holl gyfarpar yn ddiogel ac mewn man priodol. Mae hyn yn cynnwys cychod tendio, bwiau, potiau a chyfarpar pysgota arall.
6. Peidio ag achosi rhwystr neu niwsans naill ai ar ochr sych neu wlyb yr harbyrau. Mewn argyfwng, gallai mynediad clir fod yn hanfodol. Dylech barcio ceir yn unol â threfniadau'r lle a'r ddarpariaeth sydd yno.
7. Ymateb yn gadarnhaol i gyngor neu gyfarwyddyd a roddir gan unrhyw un o staff yr Harbyrau.
8. Codi unrhyw fater, pryder neu awgrym a all fod gennych gyda staff yr Harbyrau ar y cyfle cyntaf. Mae hyn yn cynnwys adrodd ar unrhyw ddiffyg neu ddifrod y gallwch ddod yn ymwybodol ohono yn yr harbyrau.
9. Cysylltu â 999 mewn unrhyw fath o argyfwng.

Rheolir yr Harbyrau yn unol â Pholisi Rheoli Harbyrau Ceredigion.

- Polisi Rheoli Harbyrau Ceredigion,
 - Is-ddeddfau,
 - Cyrsiau a Phellteroedd Morol,
 - Tablau Llanw Lleol,
 - Arfordir Treftadaeth Forol Ceredigion, Ardal Cadwraeth Arbennig Bae Ceredigion ac Ardal Cadwraeth Arbennig Pen Llŷn a'r Sarnau,
 - Anifeiliaid Morol yn Sownd ar Lan y Môr, a
 - Diogelwch
- Gellir cael y wybodaeth uchod yn: [Yr Arfordir a Phorthladdoedd](#)

Dylai Defnyddwyr Harbyrau ymgysylltu â'r wybodaeth hon i gyd a gwneud yn siŵr eu bod yn ymddwyn yn unol â hynny bob amser. Mae'r dogfennau hyn yn cael eu diweddarau'n rheolaidd felly dylid eu gwirio'n gyson.

Diweddariadau:

(1) Seiri Newydd

Eleni, roedd y Tîm Gwasanaethau Harbyrau yn falch iawn o groesawu dau Gynorthwywyr Harbyrau Tymhorol newydd sef Chris Cattaway a Robyn Beresford.

Yn gyflym iawn, daeth Chris a Robyn yn aelodau amhrisiadwy o'n tîm gan fwynhau eu hamser yn gweithio yn yr harbyrau a dod i adnabod defnyddwyr yr harbyrau a chynorthwyo gyda gwaith gweinyddol cyffredinol.

Er bod Chris yn ansicr os y bydd yn dychwelyd flwyddyn nesaf, mae Robyn yn eiddgar ac yn edrych ymlaen at ei hail dymor yn gweithio yn yr harbyrau.



(2) Cyfarfodydd Pwyllgor Defnyddwyr Harbyrau

Bydd cyfarfodydd nesaf y Pwyllgor Defnyddwyr Harbyrau yn cael eu cynnal ar **24 Hydref 2024** ar yr amserau canlynol o bell trwy Zoom.

17:30 Aberaeron

18:15 Cei Newydd

19:00 Aberystwyth

Er bod y Pwyllgor yn rhoi'r cyfle i drafod materion, mae llawer o ffyrdd y gall rhanddeiliaid gysylltu â'r Gwasanaeth Harbyrau trwy gydol y flwyddyn ynghylch materion o ddydd i ddydd. Gall hyn fod yn drafodaeth wyneb yn wyneb wrth un o'r Harbyrau neu drwy Clic, canolfan gyswllt y Cyngor: clic@ceredigion.gov.uk / 01545 570881. Rydym yn annog rhanddeiliad i wneud hyn yn brydlon er mwyn datrys materion mewn o fewn amserlen benodol.

(3) Cynlluniau Rheoli Gwastraff Harbyrau (PWMPs)

Mae Cynlluniau Rheoli Gwastraff Harbyrau (PWMPs) wedi gweithio'n dda yn ystod y tymor hwn sydd wedi cyfrannu at lendid cyffredinol pobun harbwr. Mae'r cyfleusterau gwastraff ar gael i ddefnyddwyr **hamddern yn unig** ac yn cynnwys:

- 1) Gwastraff Cyffredinol
- 2) Ailgylchu cymysg (gan gynnwys metalau, papur, cardfwrdd, plastig)
- 3) Bateris
- 4) Ffilteri olew

Mae gwastraff defnyddwyr masnachol ac unrhyw ffurf arall o wastraff sydd heb eu nodi uchod yn parhau i gael eu gwrthod a bydd disgwyl i ddefnyddwyr Harbyrau i wneud eu trefniadau eu hunain sy'n unol â'r gyfraith ar gyfer gwaredu gwastraff o'r fath yn ôl y galw.

Mae'r PWMP ar gael i'w ddarllen yn Swyddfeydd yr Harbyrau ac ar ein [gwefan](#).

(4) Polisi Rheoli Harbyrau Ceredigion

Cymeradwywyd y Polisi Newydd Rheoli Harbyrau gan y Cabinet a daeth i rym ar 01 Mawrth 2024. Derbynnir na fydd o reidrwydd pob un o'n rhanddeiliaid yn cytuno ag elfennau o'r polisi, hoffai'r Gwasanaeth Harbyrau ddiolch i'r rheiny a gymerodd ran yn y broses ymgynghori a rhannu eu adborth / barn.

Gweler y pedwar prif newid i'r Polisi isod:

- 1) Ni fydd trosglwyddiadau angora bellach yn cael eu caniatáu mewn perthynas ag angorfa hamdden.
- 2) Ni chaniateir etifeddiaeth angorfeydd mwyach i ddefnyddwyr hamdden.
- 3) Ni fydd Trwyddedau Parcio Car bellach yn cael eu rhoi i ddeiliaid angori. Mae trefniadau sy'n ymwneud â'r trefniadau parcio ar wahân ar gyfer defnyddwyr masnachol Cei Newydd yn parhau heb eu newid.
- 4) Mae capiau rhestrau aros wedi'u dileu, gan fod rhestrau aros masnachol a hamdden o'r fath ar agor i ymgeiswyr newydd.
- 5) Ni fydd ffioedd rhestr aros sy'n daladwy bellach yn flaendal sy'n cael ei gymhwyso fel credyd i'r ffi angori sy'n ddyledus wrth ddyrannu angorfa.

Cynghorir holl ddefnyddwyr yr harbwr i ymgylfarwyddo â'r Polisi newydd a gellir dod o hyd iddo naill ai ar y wefan, trwy'r ddolen ganlynol:

[Polisi Rheoli Harbyrau Ceredigion - Cyngor Sir Ceredigion](#)

Neu gellir gweld copïau yn Swyddfeydd yr Harbwr yn ystod oriau agor.

(5) Cynllun Amddiffyn yr Arfordir

Mae Gwaith Cynllun Amddiffyn yr Arfordir Aberaeron yn ei anterth. Bydd y Gwasanaeth Harbyrau yn parhau i ddiweddarau holl Ddefnyddwyr Harbyrau Aberaeron pan a phryd bydd angen.

Mae diweddariadau cyfnodol ar y cynllun ar gael ar wefan y Cyngor sydd i'w canfod trwy ddilyn y ddolen ganlynol:

[Amddiffyn yr Arfordir - Cyngor Sir Ceredigion](#)

Gellir dod o hyd i Hysbysiadau Lleol i Forwyr sy'n berthnasol i'r cynllun ar dudalen we Hysbysiad Lleol i Forwyr trwy'r ddolen ganlynol:

[Hysbysiadau Lleol i Forwyr a Threfniadau Awdurdod Goleudy Lleol – Cyngor Sir Ceredigion](#)

Gellir cyfeirio unrhyw gwestiynau neu ymholiadau sy'n ymwneud â'r cynllun i'r canlynol:

Gwen Clements – Swyddog Cyswllt Cyhoeddus
Ffôn: 07585 633799
E-bost: aberaeron.plo@bam.com

(6) Cynllun Amddiffyn yr Arfordir Aberystwyth

Gellir gweld gwybodaeth am Gynllun Amddiffyn Arfordir Aberystwyth drwy'r ddolen ganlynol:

[Layout1 \(ceredigion.gov.uk\)](#)

(7) Gwaith a Chynnal a Chadw'r Harbyrau

Mae'r Gwasanaeth Harbyrau wedi dechrau cynllunio ar gyfer carthu manau allweddol yn Harbwr Cei Newydd sydd wedi'i drefnu ar gyfer mis Mawrth 2025.

Bydd y ffocws ar Benpolion a diwedd y Pier ar y prif draeth.

Rydym wedi ymrwmo i hysbysu holl ddefnyddwyr a rhanddeiliaid yr harbwr am y gwaith. Bydd Hysbysiad Lleol i Forwyr yn cael manylion am y gwaith carthu maes o law.

Mae gwaith cynnal a chadw pellach sydd wedi digwydd dros gyfnod yr haf yn cynnwys polyn tywys newydd ar slipiau Aberaeron a gwaith adnewyddu ac atgyweirio ysgolion yn harbyrau Aberystwyth ac Aberaeron.



Mae gwaith dros gyfnod y gaeaf yn cael ei drefnu ar hyn o bryd ar gyfer mynedfa harbwr mewnol Aberystwyth, pontŵn y Cyngor a modrwyau angori yn Aberaeron a

Chei Newydd (yn amodol ar ganiatâd Cadw).

(8) Iechyd a Diogelwch – Cyfrifoldeb Pawb

Mae harbyrau yn amgylcheddau gwaith ac sy'n cael eu rhannu. Mae'r Gwasanaeth Harbyrau bob amser yn ceisio cefnogi a hwyluso defnydd diogel o'r harbwr cyn belled a bod hynny'n rhesymol ac ymarferol i wneud hynny. Mae pawb yn gyfrifol am lechyd a Diogelwch ac rydym yn diolch i'n rhanddeiliaid i gyd am eu hymagwedd rhagweithiol gadarnhaol a'u hagwedd tuag at gynnal yr harbyrau fel lleoedd diogel a phleserus i'w defnyddio ac i ymweld â hwy.

Gyda hyn mewn golwg, hoffwn atgoffa Defnyddwyr yr Harbyrau na ddylai ysgolion gynnwys unrhyw atodiadau megis rhaffau, cadwynau na unrhyw ddyfeisiau/offer angora arall ar unrhyw adeg. Nid yw'r ysgolion wedi'i gosod na'i dylunio at y pwrpas hwn ac fe fyddai atodiadau o'r fath yn atal mynediad at / defnydd yr ysgolion, achosi'r posibilrwydd o gwmpo a pheryglon eraill i ddefnyddwyr yr harbyrau. Gall hefyd achosi i'r ysgol dorri. Yn ogystal, ni ddylid defnyddio ysgolion i fel modd i ddal / angora unrhyw long/gwch, hyd yn oed am gyfnod byr.

Dylid tynnu a storio unrhyw eitemau sydd wedi'u hatodi i'r ysgolion ar ystâd yr harbwr a'i waredu'n briodol. Os bydd eitemau'n parhau wedi'u hatodi wrth yr ysgolion, bydd y Gwasanaeth Harbyrau yn ceisio symud ac yn y pen draw waredu unrhyw eitemau a ganfyddir fel rhan o arolygiadau rheolaidd ar y mater hwn.

Sut i roi gwybod am ddigwyddiad?

Mae gofyn i ddefnyddwyr yr harbwr roi gwybod am unrhyw ddigwyddiadau, damweiniau neu gamgymeriadau agos o fewn yr Harbyrau i'r Tîm Gwasanaethau Harbwr.

Gallwch roi gwybod am ddigwyddiad yn Swyddfeydd yr Harbwr yn ystod eu horiau agor neu drwy'r manylion cyswllt a ddarperir yn adran 19.

(9) Cymorth Harbyrau

Mae cyfarfodydd cymorth wedi'u trefnu i bob Harbwr er mwyn i ddefnyddwyr yr harbyrau drafod gyda Rheolwr yr Harbwr (neu Arweinydd Gwaith yr Harbyrau) unrhyw broblemau neu faterion sy'n codi wyneb yn wyneb.

Bydd y cyfarfodydd yn cael eu cynnal yn swyddfa harbwr pob lleoliad fel a ganlyn, heblaw am fis Hydref a mis Mawrth:

Aberystwyth- dydd Mawrth olaf bob mis am 14:00

Aberaeron – dydd Mercher olaf bob mis am 14:00

Cei Newydd – dydd Iau olaf bob mis am 14:00

Hysbysir defnyddwyr yr harbyrau o unrhyw newidiadau i'r amserlen.

(10) Cynorthwyon Mordwyo ac Hysbysiadau Lleol i Forwyr

Mae pob Cynorthwydd Mordwyo (golau mordwyo, marciau a bwoi) y mae Cyngor Sir

Ceredigion yn gyfrifol amdanynt yn cael eu harolygu'n fisol am unrhyw nam. Os bydd unrhyw nam, bydd Hysbysiad Lleol i Forwyr yn cael ei gyhoeddi a bydd hysbysiad dilynol yn cael ei gyhoeddi pan a phryd bydd y nam neu'r broblem wedi'i ddatrys.

Gofynnir i Ddefnyddwyr yr Harbwr roi gwybod i Dîm yr Harbwr os byddant yn ymwybodol o nam neu'n sylwi arnynt (er enghraifft marc ar goll neu olau wedi'i ddiffodd). Dylid rhoi gwybod am ddiffygion drwy'r manylion cyswllt a ddarperir yn adran 19 isod.

Rhoddir Hysbysiadau Lleol i Forwyr gan yr Awdurdod i roi gwybod i forwyr am unrhyw weithrediadau neu waith sy'n digwydd a allai effeithio ar ddiogelwch mordwyo yn y cyffiniau

Os felly, cynghorir holl Ddefnyddwyr yr Harbyrau i nodi a chadw golwg ac i arsylwi ar Hysbysiadau Lleol i Forwyr sydd yn cael eu gosod tua allan i swyddfeydd yr harbyrau yng Nghei Newydd, Aberaeron ac Aberystwyth. Gellir hefyd weld Hysbysiadau Lleol i Forwyr ar [wefan](#) y Cyngor.

(11) Newidiadau Arfaethedig i Oleuadau Arweiniol Harbwr Aberystwyth

Mae'r Gwasanaeth Harbwr yn cynnig adleoli'r goleuadau arweiniol yn Harbwr Aberystwyth. Roedd y goleuadau blaenorol ar flaen Pont Ystwyth yn y safleoedd canlynol:

Wedi'i ddiffodd yn barhaol: P0342 N02953: 52°24.369'G 004°05.381'Gn (Blaen Pont Ystwyth)

P0342 N10383: 52°24.346'G 004°05.356'Gn (Cefn Pont Ystwyth)

ac yn arwain llongau i mewn i'r harbwr ar flaen o 133°T.

Mae Awdurdod yr Harbwr yn cynnig adleoli'r goleuadau arweiniol hyn i'r manau bras canlynol:

52°24'22.90"G 004°05'17.99"Gn (Blaen)

52°24'22.95"G 004°05'18.23"Gn (Cefn)

Bydd hyn yn rhoi arweiniad bras o 111°T.

Bydd y newid, yn seiliedig ar asesu risg, yn arwain llongau i ran fwy canolog o'r sianel lle mae dŵr dyfnach ar gael, gan gadw'r tro yn glir ar gyfer gadael llongau a ddylai gadw mor bell at ochr *starboard* y sianel ag sy'n ddiogel ac ymarferol.

Mae'r diagram isod at ddibenion darlunio yn unig ac nid yw'n gywir.



(12) Yswiriant

Atgoffir defnyddwyr yr harbwr ei bod yn ofynnol iddynt gynnal yswiriant priodol a dilys bob amser ar gyfer eu cychod tra ar eu angorfa neu ar gyfleusterau storio'r gaeaf. Mae hyn wedi'i amlinellu yn y ffurflenni cais Cadarnhau Gofyniad Angori'r Haf a'r Gaeaf gyda deiliaid angorfeydd yn cadarnhau y byddant yn cadw at hyn fel rhan o'r cais.

(13) Trefniadau Codi a Storio Cei Newydd

Ni chaniateir codi ac yn ddilynol i storio llongau ar unrhyw lefel o Bier Cei Newydd mwyach ac eithrio tendrau ar y rac a ddarperir.

Mae defnyddwyr yr harbwr sydd fel arfer wedi gwneud hynny i wneud trefniadau ar wahân ar gyfer tymhorau'r gaeaf sydd i ddod ac yn y dyfodol. Mae gan ddefnyddwyr harbwr yr effeithir arnynt yr opsiynau canlynol ar gyfer storio'r Gaeaf:

- Aberaeron, Maes Parcio y De (bydd angen trefnu hyn gyda threfnwyr y codi)
- Cei Newydd, Maes Parcio Ffordd yr Eglwys.
- Ar angorfa yn yr harbwr, bydd angen i ddefnyddiwr yr harbwr gysylltu ag Awdurdod yr Harbwr i nodi angorfa briodol ar gyfer tymor y gaeaf.
- Unrhyw drefniant preifat arall.

(14) Gwefan Newydd

Mae'r Gwasanaeth Harbwr wedi diweddarau ei dudalen we, mae'r dudalen we newydd a gwell yn cynnwys gwybodaeth gynhwysfawr am holl faterion harbwr, gan gynnwys:

- Gwybodaeth Cyffredinol Harbyrau
- Hysbysiadau Lleol i Forwyr a Threfniadau Awdurdod Goleudy Lleol
- Polisi Rheoli Harbyrau Ceredigion
- Angori Hir-dymor, Llawr Caled neu Storio Cyfarpar Gweithgaredd Dŵr
- Lansio Cychod Ymwelwyr
- Angori i Ymwelwyr
- Cylchlythyrau Harbwr Diogel
- Cyfarfodydd Ymgynghori Defnyddwyr Harbyrau
- Cynllun Rheoli Gwastraff Porthladd

Mae'r dudalen we yn hawdd i'w chyrru a gall unrhyw un ei chyrru drwy chwilio 'Porthladdoedd Ceredigion' neu drwy'r ddolen isod.

[Harbyrau - Cyngor Sir Ceredigion](#)

(15) Adnabod

Mae Adran 16.1 o Bolisi Rheoli Harbyrau Ceredigion yn ei gwneud yn ofynnol:

'Pob llong / cerbyd dŵr ac offer gan gynnwys ond heb fod yn gyfyngedig i, trelars a rhaid i dendrau a ddefnyddir o fewn yr harbyrau ac eiddo'r Cyngor arddangos eu henwau'n amlwg er bodhad Rheolwr yr Harbwr..

Mae'r Gwasanaeth Harbwr wedi sylwi nad yw rhai llongau ac offer yn cyrraedd y safon hon. Cyfrifoldeb pob Defnyddiwr Harbwr yw sicrhau bod eu llong a/neu offer yn cael eu henwi'n amlwg ac yn unol â'r Polisi.

(16) Siacedi Bywyd a Dyfeisiau Arnofio Personol

Mae Awdurdod yr Harbwr yn annog holl ddefnyddwyr yr harbwr i ddefnyddio siacedi achub a dyfeisiau symudol personol bob amser wrth fynd ar fwrdd llong neu gymryd rhan mewn gweithgareddau dŵr eraill. Yn ôl ystadegau'r RNLI, mae tua 200 o bobl yn boddi oddi ar arfordiroedd y DU ac Iwerddon bob blwyddyn, gan bobl sy'n cymryd rhan mewn ystod eang o weithgareddau dŵr, gyda llawer ohonynt yn gyffredin yn ein harbyrau.

Mae ymchwil yn awgrymu y gallai defnyddio siaced achub gynyddu'r siawns o oroesi hyd at bedair gwaith mewn dŵr oer.

I gael rhagor o wybodaeth ac arweiniad ar siacedi achub a dyfeisiau arnofio personol, rydym yn annog holl ddefnyddwyr yr harbwr i ymweld â'r dudalen we isod:

[Siacedi Bywyd a Cymhorthion Bwoi - Dewis a Chynnal eich un chi \(rnli.org\).](#)

(17) Gweithgareddau a Digwyddiadau

Ar gyfer unrhyw weithgareddau a digwyddiadau wedi'u trefnu sy'n digwydd ar ystâd yr harbwr ac o fewn terfynau'r harbyrau, rhaid gwneud cais yn unol â'r gweithdrefnau ar y ddolen ganlynol:

[Gweithgareddau a Digwyddiadau - Cyngor Sir Ceredigion](#)

Gall enghreifftiau o weithgareddau a digwyddiadau sy'n digwydd ar Ystâd yr Harbwr gynnwys ond heb fod yn gyfyngedig i:

- Gweithrediadau Craen (lansio a chodi allan).
- Regatas hwylio a rhwyfo.
- Gweithgareddau neu ddigwyddiadau elusennol a rhanddeiliaid
- Arddangosfeydd ac arddangosiadau.
- Ffilmio gan gynnwys defnyddio dronau.
- Digwyddiadau adloniant.
- Gweithgareddau masnachol a hamdden.
- Gwerthiant bwyd a diod.
- Hyfforddiant gwasanaeth brys ac ymateb gweithredol.
- Gweithgarwch carthu a chynnal a chadw.
- Defnydd hamdden o'r traethau.

Drwy ddilyn y broses hon, gall y Cyngor sicrhau bod unrhyw weithgaredd neu ddigwyddiad sy'n digwydd ar dir y Cyngor, ar ystâd yr harbwr, neu o fewn terfynau'r harbyrau:

- Wedi'i yswirio'n llawn.
- Gwiriadau asesiadau risg a datganiadau dull.
- Cyhoeddi Rhybudd Lleol i Forwyr, os oes angen.
- Cyfathrebu llawn gyda rhanddeiliaid a defnyddwyr harbwr.
- Yn cydymffurfio'n llawn â'r Cod Morol, i sicrhau nad oes tarfu ar fywyd gwyllt y môr, yn enwedig nodweddion cymwys y tair Ardal Cadwraeth Arbennig forol.
- Cael caniatâd trefnwyr gan Gyfoeth Naturiol Cymru ar gyfer gweithgareddau o fewn SoDdGA (os oes angen neu os oes angen).

Felly, sicrhau bod pob agwedd ar y gweithgaredd neu'r digwyddiad, yn ddiogel ac yn cael ei wirio, ei gynllunio a'i drefnu'n briodol sy'n fuddiol i'r Cyngor a threfnwyr y gweithgaredd/digwyddiadau.

(18) Tablau'r Llanw

Gall defnyddwyr harbyrau gael mynediad at dablau llawn 2024 ar [wefan Darganfod Ceredigion](#). Gellir hefyd eu casglu ym mhob un o swyddfeydd yr harbyrau.

(19) Cysylltu ac Adborth

Noder: Nid yw'r blwch post gwasanaethau technegol bellach yn cael ei ddefnyddio ac nid yw'n cael ei fonitro.

Os hoffech gysylltu â'r Gwasanaeth Harbyrau, gallwch wneud hynny drwy:

E-bost: clic@ceredigion.gov.uk

Ffôn: 01545 570 881

Post: Cyngor Sir Ceredigion

Canolfan Rheidol

Rhodfa Padarn

Llanbadarn Fawr

Aberystwyth

Ceredigion

SY23 3UE

Rydym bob amser yn croesawu ac yn annog adborth adeiladol gan randdeiliaid ac edrychwn ymlaen at glywed gennych.

Gyda diolch oddi wrth,

Y Tîm Harbyrau

Owen Morgan AFNI, Rheolwr Harbwr

Chay Sanders, Arweinydd Gwaith Harbwr

Chris Cattaway, Cymhorthydd Harbwr Tymhorol

Robyn Beresford, Cymhorthydd Harbwr Tymhorol



Cyngor Sir
CEREDIGION
County Council



Caru Love
Ceredigion

Harbwr Diogel 7

Calm Waters 7



www.ceredigion.gov.uk



Cyngor Sir
CEREDIGION
County Council

